

中華民國二十四年十月初版

句圈明

紀 (全一册)

定價大洋三元

(外埠酌加運費隨費)

出版者 國學整理社


發行者 世界書局

印刷者 上海大連路 世界書局

發行所

上海及各省

世界書局



版權所有 不准翻印

史分紀傳編年二體而紀傳為正史晉書以後或奉敕或表上或詔取皆官書
 編年之名亦有二曰鑑曰紀鑑如溫公資治通鑑李鑑長編亦皆官書鑑之
 者如陳王薛法家頗不克終迨國朝康熙中御批通鑑綱目御批通鑑輯
 覽御定通鑑綱目三編先後頒行惟欽定明鑑未出而鑑之為官書亦幾亡
 亡史皆故一時學者於年氏續通鑑頗有異議錢竹汀卷三上略略唐編年者
 亦什序意固有在而稱年氏序但志刊刻如宋不亡撰述之旨為以體志良是年謂古
 宋紀傳編年書只有奉人自序而所援心馬班固李紀傳之例偏而不兼如生
 為遜詞也正紀則創自荀氏亦更詔為之袁氏以下有年紀大紀大事紀小紀之
 類多私家纂述而通鑑之比矣元和陳工部稱予先生字宏宋儒以躬行實踐
 為師資而承其旨者部不受印結黃同時取南軒通記亦以理學名堂以程
 顥其高先生曰有意為之邪無意為之邪通記雖立撤之然桂門初續稟
 六快中多至鄉巷語閣出之什材多見輯錄志以其言必能傳世極錄頗多而
 先生一生精力所注則在明紀一書原本正史而參以王氏家此分說部暨史間
 有采摭必多謹嚴實而後錄之凡新異說証之說置不錄於三百年禮樂刑政治
 能成敗忠邪是非之故瞭如指掌不愧良史攷尚紀在班後抑比班書小有增

於移易表紀左范前綴會謝承張璠等自出暨裁是書體例一如荀紀而荀紀卒詔表紀自撰則又與表紀同也昔人嘗言荀氏論多純正表氏論多放縱先生書雖不加詮說而決擇主取之間一師純正不似放縱人之一術也於此可見宋龔氏正堂續溫公稽古錄論去詔既正非瑣士故持論不及溫公是史才有出於三長之外老觀於先生書益信書凡六十卷先生手輯至五十有二卷而事文孫中書亮家藏成老以卷鏤藏一乘先生之式恭致御批通鑑輯覽分注福王年號而左柱三王則別綴考後顯示區別其楊氏法紫三法紀事本末並列者不同今於福王年考於左柱低一格正合輯覽法惟中書為入性史武帝為其本中之難孤惟謬實遺書付以函海上族人攬其書惟謬實其謀於中書故吳平齊觀察以若干金烟之書如完年仲蘇州中局補刻通鑑續通鑑既竣觀察以其間亡於前據年重順丁公曰茲刻是書以兩澤紀序兩澤綱緯之六數千年間侵尋相抄其家而後學私刻一書一集之以表其撫按俞謨甫編修亦從惠之遂開雕踰年告成今據年南安張公詔先生於桂參為鄉先輩宜為之序桂參不敢援鈔為之以為辭而但志刊刻如未不立撰述之旨則殆是為之之意云

同治十年夏六月吳縣沈桂參序

明紀序

克家先大父工部公嘗本欽定明史明史稿及諸家記載撰次明一代之事爲明紀未及成而卒紀用編年體起元至正十一年絕筆於莊烈帝崇禎元年自是至三王事皆未具又嘗欲掇其大端著論以見意亦未暇以爲顧其略時見於彙本克家懼遺緒之遂泯續而爲之其爲論多采前人名言不足則附以己意蘄與著書之指不悖書既成復謹案兼采諸書著其所以去取作攷異若干卷乃推本先大父之意而言曰於戲自古有國家者曷嘗不監於勝國哉周書曰往愆求于殷先哲王孔子曰殷因于夏禮周因于殷禮而司馬遷論秦六國事亦引荀況法後王之言夫況所稱後王固當謂近世致治之主非暴秦比然秦暴而顛亦王者之炯鑒況明之傳祚越三百年其政治風俗皆有可觀者歟且夫加禮前代書法必公聖朝之事也撰述往事以昭法戒儒生之責也我朝代明在明社既覆之後於事無所嫌諱又於惠帝莊烈帝皆爲追論而旌其殉國諸臣是非褒貶洵可服當時而垂萬世矣而承學之士綴輯舊聞間有論著非冗則疎求其無野史猥雜之譏得古人攷鏡之意勒成一書仰資盛治蓋皆未之逮也惟我先大父殫數十年之力以有是編克家兢兢繕完弗敢失墜今書幸成庶幾上備聖天子乙夜之觀覽於國家斟酌古今之制有裨萬一顧身未得備員於朝無所因而獻之用敢述其志事之始末謹書之以俟克家記

明紀目錄

卷第一

太祖紀一

起元至正十一年辛卯元至正十二年壬辰太祖始從郭子興起兵濠州元至正十五年乙未太祖用韓林兒年號稱龍鳳元年卷訖于元至正二十三年癸卯即龍鳳九年也

卷第二

太祖紀二

起元至正二十四年甲辰至正二十七年丁未太祖稱吳元年二十八戊申正月太祖稱洪武元年國號明

卷第三

太祖紀三

起共武二年己酉訖洪武八年乙卯凡七年

卷第四

太祖紀四

起洪武九年丙辰訖洪武十六年癸亥凡八年

卷第五

太祖紀五

起洪武十七年甲子訖洪武二十三年庚午凡七年

卷第六

太祖紀六

起共武二十四年辛未訖洪武三十一年戊寅凡八年

卷第七

惠帝紀

起建文元年己卯訖建文四年壬午凡四年

卷第八

成祖紀一

起永樂元年癸未訖永樂六年戊子凡六年

卷第九

成祖紀二

起永樂七年己丑訖永樂十四年丙申凡八年

卷第十

成祖紀三

起永樂十五年丁酉訖永樂二十二年甲辰凡八年

卷第十一

仁宗紀

起共熙建元乙巳正月訖是年十二月凡一年

卷第十二

宣宗紀

起宣德元年丙午訖宣德十年乙卯凡十年

卷第十三

英宗紀一

起正統元年丙辰訖正統八年癸亥凡八年

卷第十四

英宗紀二

起正統九年甲子訖正統十四年己巳失位凡六年

卷第十五

景帝紀一

起景泰元年庚午訖景泰三年壬申凡三年

卷第十六

景帝紀二

起景泰四年癸酉訖景泰七年丙子凡四年

卷第十七

英宗後紀

起天順元年丁丑訖天順八年甲申凡八年

卷第十八

憲宗紀一

起成化元年乙酉訖成化七年辛卯凡七年

卷第十九

憲宗紀二

起成化八年壬辰訖成化十五年己亥凡八年

卷第二十

憲宗紀三

起成化十六年庚子訖成化二十三年丁未凡八年

卷第二十.....一九一

憲宗紀三.....起成化十六年庚子訖成化二十三年丁未凡八年

卷第二十一.....二〇二

孝宗紀一.....起弘治元年戊申訖弘治六年癸丑凡六年

卷第二十二.....二一三

孝宗紀二.....起弘治七年甲寅訖弘治十二年己未凡六年

卷第二十三.....一二二

孝宗紀三.....起弘治十三年庚申訖弘治十八年乙丑凡六年

卷第二十四.....一二三

武宗紀一.....起正德元年丙寅訖正德四年己巳凡四年

卷第二十五.....二四三

武宗紀二.....起正德五年庚午訖正德八年癸酉凡四年

卷第二十六.....二五三

武宗紀三.....起正德九年甲戌訖正德十二年丁丑凡四年

卷第二十七.....二六三

武宗紀四.....起正德十三年戊寅訖正德十六年辛巳凡四年

卷第二十八.....二七七

世宗紀一.....起嘉靖元年壬午訖嘉靖三年甲申凡三年

卷第二十九.....二九一

世宗紀二.....起嘉靖四年乙酉訖嘉靖七年戊子凡四年

卷第三十.....二〇三

世宗紀三.....起嘉靖八年己丑訖嘉靖十二年癸巳凡五年

卷第三十一.....三二七

世宗紀四.....起嘉靖十三年甲午訖嘉靖十八年己亥凡六年

卷第三十二.....三二九

世宗紀五.....起嘉靖十九年庚子訖嘉靖二十四年乙巳凡六年

卷第三十三.....三三九

世宗紀六.....起嘉靖二十五年丙午訖嘉靖二十九年庚戌凡五年

卷第三十四.....三四九

世宗紀七.....起嘉靖三十年辛亥訖嘉靖三十四年乙卯凡五年

卷第三十五.....三五九

世宗紀八.....起嘉靖三十五年丙辰訖嘉靖四十年辛酉凡六年

卷第三十六.....三六八

世宗紀九.....起嘉靖四十一年壬戌訖嘉靖四十五年丙寅凡五年

卷第三十七.....三七八

穆宗紀一.....起隆慶元年丁卯訖隆慶三年己巳凡三年

卷第三十八.....三八七

穆宗紀二.....起隆慶四年庚午訖隆慶六年壬申凡三年

卷第三十九.....三九六

神宗紀一.....起萬曆元年癸酉訖萬曆五年丁丑凡五年

卷第四十.....四〇五

神宗紀二.....起萬曆六年戊寅訖萬曆十年壬午凡五年

卷第四十一.....四二二

神宗紀三起萬曆十一年癸未訖萬曆十四年丙戌凡四年

卷第四十二.....四二四

神宗紀四起萬曆十五年丁亥訖萬曆十九年辛卯凡五年

卷第四十三.....四三五

神宗紀五起萬曆二十年壬辰訖萬曆二十三年乙未凡四年

卷第四十四.....四四八

神宗紀六起萬曆二十四年丙申訖萬曆二十七年己亥凡四年

卷第四十五.....四六〇

神宗紀七起萬曆二十八年庚子訖萬曆三十二年甲辰凡五年

卷第四十六.....四七一

神宗紀八起萬曆三十三年乙巳訖萬曆三十七年己酉凡五年

卷第四十七.....四七八

神宗紀九起萬曆三十八年庚戌訖萬曆四十二年甲寅凡五年

卷第四十八.....四八六

神宗紀十起萬曆四十三年乙卯訖萬曆四十八年庚申七月凡六年

卷第四十九.....四九四

光宗紀起泰昌元年庚申八月訖十二月凡五月

卷第五十.....四九七

熹宗紀一起天啓元年辛酉訖天啓三年癸亥凡三年

卷第五十一.....五一二

熹宗紀二起天啓四年甲子訖天啓七年丁卯凡四年

卷第五十二.....五二五

莊烈紀一起崇禎元年戊辰訖崇禎三年庚午凡三年

卷第五十三.....五三八

莊烈紀二起崇禎四年辛未訖崇禎七年甲戌凡四年

卷第五十四.....五五二

莊烈紀三起崇禎八年乙亥訖崇禎十年丁丑凡三年

卷第五十五.....五六五

莊烈紀四起崇禎十一年戊寅訖崇禎十三年庚辰凡三年

卷第五十六.....五八〇

莊烈紀五起崇禎十四年辛巳訖崇禎十五年壬午凡二年

卷第五十七.....五九〇

莊烈紀六起崇禎十六年癸未訖崇禎十七年甲申三月凡二年

卷第五十八.....六〇三

福王始末

卷第五十九.....六一六

唐王始末

卷第六十.....六二三

桂王始末

明紀卷第一

賜進士出身工部候補主事虞衡司行走
陳鶴襄 卹贈知府銜給雲騎尉世職內
閣候補中書孫男克家參訂

太祖紀一

一起元至正十一年辛卯元至正十二年壬辰

太祖始從郭子興起兵濠州元至正十五年乙未太祖用韓林兒年號稱龍鳳元年卷訖于元至正二十三年癸卯即龍鳳九年也

太祖開天行道肇紀立極大聖至神仁文義武俊德成功高皇帝諱元璋字國瑞姓朱氏先世家沛徙句容再徙泗州父世珍始徙濠州之鍾離母陳氏生四子太祖其季也以元天曆元年九月丁丑生其夕室中有光燭天自是夜數有光起比長妻觀雄傑奇骨黃頂志意廓然人莫能測元至正四年大饑疫父母兄相繼沒貧無所依入皇覺寺為僧尋游食合肥歷光固汝潁諸州崎嶇三載復還寺其明年台州方國珍倡亂海上時天下承平有司憚於用兵一意招撫又三年潁州劉福通蕭縣李二羅田徐壽輝等兵起初樂城韓山童自祖父以白蓮會燒香惑眾山童鼓妖言謂天下當大亂彌勒佛下生河南紅崖閭愚民多信之福通與其黨復詭言山童告宋徽宗八世孫當主中國殺白馬黑牛童告天地欲同起兵為亂事覺有司捕之急福通遂反陷潁州而山童為吏所得伏誅子林兒逃武夷山中至正十一年五月也福通據朱畢破羅山上蔡真陽確山又破汝寧府

息州光州聚至十萬李二號芝蔴李亦以燒香聚眾與彭大趙均用攻陷徐州壽輝與鄭晉勝亦以妖術聚眾為亂陷斬水縣及黃州路時所在鑄起多以紅巾為號人皆謂之紅軍亦稱香軍十月壽輝僭稱皇帝即斬水為都國號天完建元治平以鄭晉勝為太師定遠人郭子興者家富饒任俠喜賓客見天下方亂散家貲與壯士相結

十二年春二月集少年數千人襲據濠州徐壽輝連陷湖廣江西諸郡縣時太祖年二十五謀避兵卜於神去語皆不吉乃曰得毋當舉大事乎再卜之吉太祖大喜閏三月甲戌朔入濠州門者疑為謀執以告子興子興奇其狀貌解縛與語語極下為十夫長數從戰有功子興喜其夫妻張氏亦指曰太祖曰此異人也秋九月妻與同起事者孫德崖等四人名稱元帥不相下四人者僞而聽曰劉掠子與意輕之四人不悅子興多家居不視事太祖乘間說曰彼日益合我日益離久之必為所制子興不能從元右丞相脫服復徐州李二走死彭大趙均用帥餘眾奔德崖等以其故盜魁有名共推奉之使居已上大有智數子興禮之而易均用德崖等諸均用曰子興知有彭將軍耳不知有將軍也均用怒伺子興出執而捕諸德崖家時太祖方在淮北聞難馳至訴於大曰吾在執敢魚肉而貪者呼兵以行太祖亦甲而擁盾發屋出子興使人負以歸遂免冬元將賈魯月哥察兒等圍濠州乃

釋故懷共守
十三年春賈魯卒國太祖收里中兵得上等率先歸附子興人少有大志長身一見語合時年二十餘元以萬戶告身招之不受襲據高郵請降於元所東行省都事劉基言國珍首逆數降元版不誅無以肅後國珍懼使人至京師賈魯禮費冬十月元授國珍徽州路治中賈基擅威福竊管紹興國珍愈足與共事乃以兵屬他將獨與徐達等三十四人南略定遠聞張家堡有民兵號驢牌寨者無所屬太祖偕費聚往招之已定約其帥欲他屬太祖復偕聚往討縛其帥收卒三千聚又招降秦把頭得八百餘人十四年太祖引兵趨定遠縣人毛騏扶令出降太祖喜留與飲食簿兵事悉當意初定遠人獨大享糾義兵為元攻陳不克元兵潰大享獨以眾二萬人與張知院屯橫潤山固守月餘太祖以計夜襲其營破之太享與子走免比明復收散卒列陳以待太祖遣其叔卓諭降之命將所部以從太祖略地至妙山馮國用與其弟勝來歸見其被服儒雅奇之詢天下大計國用對曰金陵龍蟠虎踞帝王之都先拔之以為根本然後四出征伐信仁義收人心勿貪子女玉帛天下不足定也定遠人李善長者少讀書有智計習法家言策事多中

太祖備遇之。知其爲里中長者。留掌書記。從容問曰。四方戰亂。何時定乎。對曰。秦亂。漢高。起布衣。繼達大度。知人善任。不嗜殺。人五載成帝業。今元綱既紊。天下土崩瓦解。公雖產。距沛不遠。山川王氣。公當受之。法其所爲。大業可成也。太祖皆善之。陸仲亨取大柳樹諸寨。鄭遇霖取鐵佛岡。三叔何諸寨。趙德勝取全椒。後河諸寨。徐達等破元兵於縣州。闕將至縣州。太祖帥數騎前行。花雲從。猝遇敵兵數千。雲銳戰。太祖拔劍躍馬。衝陣而進。敵驚曰。此黑將軍。其不可當。兵至。遂克縣州。勝人范常杖策謁軍門。太祖夙知其名。與語意合。留置幕下。有疑。輒問。常悉以實對。趙均用。專狠益甚。挾郭子興。攻盱眙。泗州。必欲殺之。太祖已取縣。遣人說均用曰。大王窮迫。時郭公開門延納。德至厚也。大王不能報反。襲細人言。圖之自爾。羽翼失。豪傑心。竊爲大王不取。且其部曲猶衆。殺之得無貽後悔乎。均用聞太祖兵甚盛。心憚之。太祖又使人賂其左右。子興由是得免。帥所部萬人。就太祖於滁。子興至滁。欲自王。太祖曰。滁四面皆山。舟楫商旅不通。非可且夕安者。子興乃已。子興中譏言。稱奉太祖兵柄。太祖事子興。愈謹。將士有所獻。孝慈皇后輒以遺子興。妻。子興又欲奪李善長自輔。善長固謝弗往。太祖深倚之。冬十月。元脫脫大敗張士誠於高郵。分兵圍六合。太祖曰。六合破。滁且不免。與取再成。軍兵樂助。之力。戰度不敵。引還。元兵尋大至。太祖設伏側。合再成誘敵。敗之。乃還所獲馬。遣父老具牛酒。謝元將曰。守城

備他盜耳。奈何舍巨寇。戰良民。元兵引去。太祖以四方割據。戰爭無虛日。命施常爲文。讀於上帝曰。今天下紛紜。生民塗炭。不有所屬。物類盡矣。備元祚未終。則羣雄當早伐其羣。某亦在羣。越中。請自某始。若已厭元德。有天命者宜歸之。無使斯民久陷危苦。太祖兄子文正。姊子李文忠。來歸。備文忠爲子。令從已姓。脫脫數敗士誠。闕高郵。釋其外城。且下會元帝信諭。言解脫兵柄。削官爵。以他將代之。士誠乘間奮擊。元兵潰走。紅淮亂益熾。十五年春正月。子興用太祖計。遣張天祐等拔和州。兵不敵。范常言於太祖曰。得一城而使人肝腦塗地。何以成大事。會子興命太祖統諸將鎮守其地。太祖知諸將皆等夷。莫肯爲下。乃秘子興機。期旦日會廳事。時席尙右。諸將先入。皆羅右。太祖故後至。就左。比視事。剖決如流。諸將瞠目。不能發一語。始相稽屈。議分三壘城。期三日。太祖工峻。諸將皆後。於是始出徽南面坐曰。奉命鎮諸公兵。今壘城皆後。如軍法何。諸將惶恐。謝乃搜軍中所掠婦女。綾羅家。民大悅。元兵屯新塘。高望。雞籠山。絕和州。李善長設伏敗之。元兵皆走。渡江。太祖威名日盛。諸將來歸者。善長察其材。有以事力相親。歸者。委曲爲調護。湯和長。太祖三歲。獨奉約束。惟謹。二月。劉福通物色韓林兒。得諸楊山夾河。迎至亳。僭稱皇帝。國號宋。建元龍鳳。治宮闕。以林兒母楊氏爲皇太后。杜遵道。臧文郁爲丞相。福

通。及羅文素。平章政事。劉大。知樞密院事。獲僧寶用事。福通疾之。命甲士擄殺。通自爲丞相。加大保事。權一歸福通。孫德崖。就食和州。太祖始知之。子興聞。怒甚。夜至和德崖。引去。前營已發。德崖留視後營。而其軍與子興軍。多死者。子興執德崖。鎖其頸。與之飲酒。問太祖亦爲德崖軍所執。大驚。立遣徐達。往代太祖。德崖還。德崖軍釋太祖。建亦獲免。子興憾德崖甚。將甘心焉。以是太祖故。彊稱之。邑邑不樂。三月。發病卒。歸葬徐州。韓林兒。機郭天祐。爲都元帥。張天祐。太祖爲左右副元帥。天祐子興子也。常遇春。來歸。遇春懷遠人。貌奇偉。勇力絕人。機臂善射。初從劉聚。爲盜。察聚終無成。歸太祖於和陽。未至。困臥田間。夢神人披甲擁盾呼曰。起。起。主君來。驚寤。而太祖適至。即迎拜。無何。自請爲前鋒。太祖曰。汝特饒來就食耳。吾安得汝。遇春固請。太祖曰。俟渡江。事我。未晚也。太祖謀渡江。無舟楫。初。某入俞廷玉。及其子通海。通海源無淵。廖永安。及其弟永忠。結寨巢湖。有水軍千艘。數爲廬州左君瑞所窘。夏五月。遣通海。開道歸太祖。太祖大喜。親往拔其軍。元中丞。蠻子海牙。扼銅城關。馬場河。諸隘。頗河惟一港可通。亦久涸。水軍不得出。會天大雨。水漲丈餘。太祖曰。天助我也。引舟出江。至。遂渡江。於哈溪口。元兵驚擾。船不利。遂。將皆長於水戰。操舟若飛。再。始定計渡江。諸將請直趨。必自采石始。采石重。發江。大紅。彼難爲備。可。

口。廖永安舉帆請所向。命直趨牛嶺。西北風方驟。頃刻達岸。元兵陳磯上。舟距岸三丈餘。莫能登。遇春飛舸至。太祖麾之前。遇春應聲奮戈前。敵接其戈。乘勢躍而上。大呼跳躑。元軍披靡。拔之采石兵亦俱緣江諸壘悉附。諸將以和州鐵。爭取資糧。謀歸太祖。謂徐達曰。渡江幸捷。若舍而歸。紅東非我有也。乃悉斷舟纜。放急流中。謂諸將曰。太平甚近。當與公等取之。遂乘勝拔太平。李善長預書榜。禁士卒剽掠。城下即揭之。通衢有卒違令。斬以徇。軍中肅然。執元萬戶納哈出總管。斬義赴水死。太祖曰。義士也。禮葬之。改太平路曰太平府。置太平。

通州渡江入常熟。是歲太祖稱龍鳳元年。十六年春正月。倪文俊建僞都於漢陽。迎徐壽輝據之。二月。張士德陷平江。湖州。松江常州諸路。改平江路為隆平府。士誠自高郵來居之。時將士妻子輻輳皆在和州。元蠻子海牙以舟師據采石道中梗。

得解。乃命達為大將。丁寧遣之。達號令明肅。城中晏然。以鎮江為江准府。休英守之。英太祖義子也。號周舍。時太祖多蓄義子。周舍道金馬兒。樂舍真童。金剛奴也。先買驢兒。保兒之屬。至二十餘人。道舍何文輝也。馬兒徐司馬也。樂舍朱文剛也。保兒平安也。攻下郡邑。輒遣之。諸將分守。

事。汪廣仲為令史。召陶安參幕府事。儒庭臣為帥府教授。又命為國用典親兵。李習為太平知府。是役也。達與遇春皆為軍鋒冠。時太平四面皆元兵。右丞阿魯灰。中丞蠻子海牙等。嚴師截姑孰口。民兵元帥陳瑄先。水軍帥康茂才以數萬眾攻城。太祖遣徐達等逆戰。別將層出其後夾擊之。傷和流矢中左股。拔矢復戰。與諸將破舟堦先。并降其眾。阿魯灰等引去。俞通海等徇下諸屬縣。攻蕪湖。鄭遇霖戰死。弟遇春領其眾。徐達取溧陽。常遇春守之。達又取溧水。秋九月。郭天敘張天祐等攻集慶路。陳瑄先叛。二人皆戰死。瑄先尋為民兵所殺。從子兆先收其眾屯方山。康茂才移成采石。與海牙犄角。以竊太平。冬十二月。王子朔釋納哈出北歸。元帥大敗劉福通於太康。進圍亳州。福通以韓林兒走安豐。淮東鐵張士誠遣弟士德由

諸將不戢下。陽怒欲置之。法李善長力救。健者五百人為親軍。宿衛帳中。悉屏舊人。獨留馮國用侍榻側。太祖酣寢達旦。眾心始安。庚寅。攻集慶。國用帥五百人先登陷陳。敗元兵於蔣山。元行臺御史大夫福壽嬰城固守。城破。督兵巷戰。或勸之還。叱達尼達思等皆戰死。蠻子海牙遁歸張士誠。康茂才降。太祖入城召官吏父老諭之曰。元政腐壞。干戈並起。我來為民除亂耳。其人安堵如故。賢士吾禮用之。舊政不便者除之。吏毋貪暴。殃吾民。民大喜。過望。改集慶路為應天府。置天興翼統軍大元帥府。辟夏煜孫炎揚憲等十餘人用之。並置上元江寧二縣。葬御史大夫福壽以旌其忠。丁酉。徐達帥諸軍東攻鎮江。顧成與勇士十人轉關入城。被執十人皆死。成躍起斷橋。仆持刀者脫歸。導眾攻城拔之。元守將段武平章。定定戰死。是役也。太祖數諸將不戢下。陽怒欲置之。法李善長力救。

元行臺待御史秦從龍也。達下鎮江。訪得之。太祖命朱文正李文忠李金龍。遣將焉從龍與妻俱來。太祖自迎之。金龍時太事已。即元御史臺為府。居從龍西華門外。甚密。左右皆不能知。從龍故溫州教授。參密議。日見親信。元復以海道萬戶招方國珍。國珍復降於元。國珍初作亂。元出空名宣敕數十道。募人擊賊。海濱壯士多應募立功。所司邀重賄。不與數。有一人死事。卒不得官。而國珍之徒一再招諭。皆至大官。由是民慕為盜。從國珍者益眾。夏六月乙丑。鄭愈帥華高等徇廣德。路元守將嚴兵城下。高以數騎挑戰。不動。高衝擊大破之。遂克其城。以為廣興府。使愈及邵成守之。乙亥。遣楊憲。調好於張士誠。其書曰。昔陳豎稱雄於天水。今足下亦擅號於姑蘇。事勢相等。吾深為足下喜。睦鄰守境。古人所貴。竊甚焉。自今信使往來。毋或謫言。以生邊費。士誠得書。留憲不報。秋七月。己卯。朔太祖為吳國公置。

紅南行中書省自總省事以李善長宋思顏為參議李夢庚郭景祥等數十人皆為省僚軍機進退實關章程多決於善長時又置行樞密院亦太祖自領之朱文正同僉院事又置樞密院都指揮使司左右前後中翼元帥府五部都先鋒省都指揮司理問所提刑按察司兵馬指揮司營田司辛巳張士誠遣舟師攻鎮江徐達敗之於龍潭太祖遣達及湯和攻常州士誠兵來援達以敵狡而銳未易力取乃離城設二伏以待別遣將王均用為奇兵而督軍戰敵退走遇伏大敗之獲其張瑄二將初郭天敘戰死韓林兒以其弟天爵為中書右丞已而太祖為平章政事天爵失職怨望久之謀不利於太祖誅死子與後遂有一女事太祖後為惠妃生蜀谷代王九月戊寅太祖如紅淮府謁孔子廟遣儒士告諭父老勸農桑還應天庚辰韓林兒將李武崔德敬武關冬十月張士誠以書求和請歲餉粟二十萬石黃金五百兩白金三百斤太祖答書責其歸揚憲歲餉粟五十萬石士誠復不報徐達進圍常州不下十二月改紅淮府為鎮江府

十七年春二月耿炳文自廣興進攻長興敗士誠將趙打虎獲戰船三百餘艘禽其守將李福安等戊申克長興長興據太湖口與宣歙接壤為紅衛門戶太祖得其地大喜三月乙亥朔改為長安州立永興翼元帥府以炳文為總兵都元帥費聚為副守之溫祥卿者多智數避亂來歸炳文引入幕府肅守禦計甚悉壬午徐達克常

州丁亥以為長春府己丑復曰常州府改武進縣曰永定晉陵縣曰京路等省京路入永定以湯和為樞密院同僉守之常與士誠接壤開闢百出和防禦嚴密敵莫能窺是役也郭興晝夜不解甲者七月城下受上賞林兒將毛貴陷膠萊益都濱州山東郡邑多下時元將別不華屯齊魯克太平時得之喜其勇悍賜金幣仍舊官居數月遁去復歸於元與我兵戰為所獲者六千餘人送入寧國太祖方取集慶未暇討也既克常州遣徐達等圍之亮祖四月丁卯太祖自將攻拔之別不華降亮祖以見太祖曰爾將何如對曰生則盡力死則死耳太祖壯而釋之元百戶張文貴殺妻妾自刎死寧國之役花雲自常州赴之兵陷山澤中八日羣盜梗道雲操矛鼓譟出入斬首千百計身不中一矢還駐太平五月上元寧國句容獻壽張士誠遣左丞潘原明寇長安州敗走六月趙繼祖等徇紅陰張士誠兵據秦望山吳良攻奪之遂克紅陰命良為指揮使守之時士誠據全吳兵食足紅陰當其要衝枕大紅扼南北襟喉士誠數以金帛啗將士窺覷大祖諭良曰紅陰我東南屏蔽汝約東土卒毋外安民而道良母命惟謹與爭鋒惟保境安民而已良亦惟謹備修餉以敗敵功進樞密院判官俞通海以舟師略太湖王銘施矢中右臂引佩刀出其鐵復戰降士誠守將於馬蹟山驢舟胥口呂珍兵暴至諸將欲退通海曰不

可彼眾我寡退則情見不如擊之乃身先疾戰矢下如雨中右目不能戰命麾下士被己甲督戰敵以為通海也不敵偏解去由是通海一目餘眇劉福福率眾攻汴梁分遣關先生破頭橋長勇沙劉二王士誠趨晉冀白不信大刀勢李喜喜趙關中毛貴出山東北犯元鎮守黃河義兵元帥田豐叛附於福福秋七月徐達徇宜興使前鋒趙德勝取常熟張士誠迎戰為德勝所奪士誠小破禽士誠大沮初士誠失長興常州紅陰兵不得四出勢漸蹙士德用紅陰王達計欲降於元以拒太祖至是使人間道貽士誠書言之士誠遂決計請降元紅浙右丞相達識帖睦爾為吉於朝授士誠太尉官其將吏有差太祖欲留士德以招士誠士德竟不食死初莫天祐聚眾保無錫州士誠招之不從以兵攻之亦不克士誠既受元官天祐乃降士誠累表為同僉樞密院事胡大海克徽州元萬戶吳訥戰敗自殺守將八思齊不花遁改徽州路曰興安府鄧愈守之苗帥楊完者以十萬眾來攻愈厲將士與大海合擊破走之鄧愈聽休寧朱升召問時務對曰高築牆廣積糧緩稱王太祖善之八月癸丑劉福福陷大名衝輝路康茂才取紅陰馬駝沙敗士誠獲其樓船九月壽源州元帥汪同來降倪文俊謀殺徐壽輝不克奔黃州為摩下領兵元帥陳友諒所殺友諒自稱平章政事閏九月白不信等陷興元送入鳳翔其黨走入蜀冬十月常遇春自銅陵攻池州吳

復廖永安以舟師毀其北門入城敵艦百餘至復大敗之執徐壽輝守將初張明鑑聚眾淮南以青布為號稱青軍又以善長槍稱長槍軍由含山轉掠揚州元鎮南王李羅曾化招降之以為義兵元帥諭年食盡謀擁王作亂王走死淮安明鑑遂據揚州屠居民以食羅大亨言於太祖曰賊饑困若掠食四出則難制矣且驍騎可用無為他人得太祖命大亨急攻義兵千戶武德謂明鑑曰吾輩才雄萬夫今東明西挫事勢可知不如早擇所依明鑑然之遂降得衆數萬馬二千餘匹悉送其將校妻子至應天改淮海翼元帥府為江南分樞密院以大亨為同僉院事總制揚州鎮江改揚州為淮海府大亨有治略寬厚不擾而治軍嚴肅禁暴除殘民甚悅未幾卒十二月己丑釋囚徐壽輝將明玉珍帥斗船五十艘掠糧川峽間將還時元右丞完者都募兵重慶義兵元帥楊漢應募至欲殺之并其軍漢知之走出峽遇玉珍為言重慶無重兵完者都與右丞哈麻秀不相能若回船襲之可取而有也玉珍意未決都將載書曰機不可失可分船為二半貯糧歸河陽半因漢兵攻重慶不濟則掠財物還玉珍從其策襲重慶走完者都執哈麻秀以獻壽輝壽輝授玉珍蜀行省右丞李文忠年十九以舍人將親軍從援池州破天完軍驍勇冠諸將別攻青陽石埭太平蘄縣皆下之敗元院判阿魯拔於萬年街復敗降其衆千餘授帳前左副都指揮兼領元帥府事十八年春正月陳友

諒陷安慶路元淮南行省左丞余闕死之庚戌王弼敗婺源州斬元守將鐵木兒不華二月己巳朔毛貴據長蘆鎮尋陷濟南益引兵而北殺宣慰使董搏霄於南皮陷薊州犯湖州略柳林以逼大都元帝徵四方兵八衛議欲遷都以避其鋒大臣諫乃止太祖以軍與民失農業乙亥以康茂才為營田使初石牌氏朱定販鹽無賴與富民趙氏有隙遂告變械趙氏授江陰判官尋復為盜元遣兵捕之定乃導張士誠陷石牌士誠以定為參政而遣石帥樂瑄戍平江士誠以取江陵瑄猶據石牌導舟師往來其間太祖取廖永安等擊之桑世傑戰死瑄亦降張氏竊江路絕三月己酉錄囚鄧愈李文忠會胡大海之師自昱嶺關進攻建德路道遠安破長槍帥余子貞逐北至淳安又破其援兵丙辰克建德以為建安府尋曰建德府文忠守之楊完者以苗獫數萬水陸奄至文忠將見兵破其陸軍取所藏首浮巨筏上水軍輕之亦遁初巢湖諸將來池州遣賈勝逸去歸於陳友諒夏四月陷池州遣賈將守而自據縱陽水寨友諒尋據龍興路遣熊天瑞守贛州庚午楊完者再攻徽州胡大海擊敗之轉攻建德軍烏龍嶺武德請於李文忠曰此可襲而取也文忠問故對曰乘高視之其部曲徙舉不安而聲震文忠曰善即與鄧愈襲完者覆其營五月劉福通攻下汴梁元守將竹貞遁遂迎韓林兒都焉李文忠進攻浦江恭從掠之恩信義門鄭氏避兵山谷招之還以兵護之民大悅張士誠雖去偽號擅甲

兵土地如故達識帖睦爾在杭州與楊完者有隙陰召士誠兵士誠遣史文炳襲殺完者遂有杭州陳友諒將鄧克定等陷汀邵略杉關元汀州路總管陳友明禦之戰於黃土大捷走克明冬十月壬申胡大海克蘭溪州徐達鄧榮攻宜興久不下太祖遣使謂曰宜興城西通太湖口土誠鑿道所由斷其饒道破之必矣達乃遣丁德興絕大湖口而并力急攻城遂拔改曰建寧州尋復故楊國興以右翼元帥守之宜興既復廖永安乘勝深入太湖遇吳將呂珍與戰後舟不繼舟膠淺被執永安長水戰屢以舟師破士誠兵士誠愛其才勇欲降之不可為所圖十二月癸酉關先生等陷上都毀諸宮殿轉掠遼陽胡大海攻婺州久不下太祖自將往擊之命毛驍權理中書省事徐達留守應天常遇春等並從取再成為前鋒屯縉雲之黃龍山以遏敵衝命和州人王宗顯至婺州規敵宗顯得城中虛實及諸將短長還白太祖太祖喜曰我得發以爾為知府是時元行省參政石抹宜孫守處州其弟厚孫守婺宜孫聞婺被兵承制以胡深為元帥帥車師由松溪來援太祖曰道險深為戰適取敗耳命胡德濟誘其兵於梅花門外縉雲大破之禽元帥季彌章深遁去擒濟胡大海養子也元驍密同僉寧安慶與守將帖木烈思貳遣都事縱城請降癸未太祖駐兵城西城中人望見五色雲如車蓋以為異甲申安慶開東門納兵元浙東廉訪使楊惠婺州達魯花赤僧住戰死執帖木烈思石抹厚孫太祖入城發粟振貧民

改州爲寧越府。以王宗顯爲知府。潘庭堅同知府事。王興宗爲金華知縣。興宗故魏人李善長李文忠皆以爲不可。太祖曰。興宗事我義。勤廉能斷。儒生法吏莫先也。始置寧越府。分省於寧越府。辟郡人吳忱許元胡翰鄭良等十三人會食省中。日二人更番講經史。陳治道。又辟范祖幹葉儀祖幹揭大舉以進。太祖問治道何先。對曰。上下四旁均齊方正。使萬物各得其所。太祖深禮之。祖幹及儀皆求歸。許之。旌祖幹孝行。表其所居曰純孝坊。戊子遣主簿蔡元剛招諭方國珍。命石抹厚孫爲書招宜孫。宜孫不棄。

十九年春正月乙巳。太祖謀取浙東。未下諸路。戒諸將曰。克城以武。戢亂以仁。吾比入集慶。秋毫無犯。故一舉而定。每聞諸將得一城。不戢殺輒喜。不自勝。夫師行如火。不戢將壞原。爲將能以不殺爲武。豈惟國家之利。子孫實受其福。庚申。胡大海克諸暨。張士誠守將齊遁。萬戶沈勝既降。復叛。大海擊敗之。生禽四千餘人。改諸暨爲諸全州。樂平人許瑗進謁曰。足下欲定天下。非延攬英雄不可。太祖喜。置幕中參軍事。命寧越知府王宗顯立郡學。宗顯故儒者。博涉經史。聘葉儀爲訓導。爲匠經師。戴良爲學正。吳忱徐源等爲副。導自兵興。學校久廢。至是始開絃誦聲。未幾卒官。樂鳳知諸全州事。諸州人楊恒爲州學師。恒固讓不起。鳳乃令州中子弟卽家問道。政有缺失。輒貽書咨訪。胡大海移兵攻紹興。馮國用卒於軍。太祖哭之慟。命其弟勝襲兄職。典親軍。大海再破士誠兵。時

禁釀酒。大海、子首犯之。太祖怒，欲行法。都事王愷請勿誅，以安大海心。太祖曰：「寧可使大海叛我，不可使我法不行。」竟手刃之。方國珍謀於其下曰：「江左號令嚴明，恐不能與抗。況爲我敵者西有吳，南有閩。草若姑示順從，藉爲聲援，以觀衆，衆以爲然，於是遣使奉書進黃金五十斤，白金百斤。文綺百匹，太祖復遣鎮撫孫養伯報之。張士誠、大海舉兵寇江陰，饒嚴蔽其將，蘇同僉、駐君山指畫捷兵，吳良遣其弟復出北門與戰，而潛遣元帥、王子明帥壯士馳出南門合擊，大敗之，俘斬甚衆，敵銜遁。三月甲午，赦大逆以下。張士誠、寇建德、李文忠、繫之東門，使別將出小北門間道襲其後，夾擊大破之。丁巳，方國珍以溫、厚、慶元來獻，遣其子關爲質。太祖卻其質，關慶元而遣之。毛貴之破濟南也，立賓興院，選用元故官，姬宗周等分守諸路。又於萊州立屯田三百六十所，每屯相距三十里，造輓運大車百輛。凡官民田，十取其二，故得據山東者三年。至是爲趙均用所殺。夏四月，俞通海攻樞陽水寨，大破之。趙曾勝陸走，盡獲其舟，遂復池州。張士誠復攻建德，李文忠破之。大狼獾乘勝克分水，立樞密分院於寧越府，常遇春守之。時耿炳文守長安州，吳良守江陰，錫和守常州，皆數破張士誠兵。太祖以故久留寧越，徇浙東。六月壬戌，朔，還應天，以寧越重地，召胡大海使協守。張士誠將呂珍、國諸全、胡大海、敕之珍、堰水壘城，大海奪堰，反釀珍營。珍勢蹙於馬上折矢誓，請各解兵，許之。郎中王愷曰：「珍猾賊，不可信。」

如因擊之大悔曰言出而背之不信既饒
而擊之不武師旋還人服其威信元家
罕帖木兒數破賊盡復關隴發秦晉之師
會汴城下屯杏花營諸軍環城而壘韓公
兒兵出戰輒敗嬰城守百餘日食將盡劉
福孫計無所出秋八月挾林兒從百騎開
東門遁還安豐後宦官屬子及符璽印
章寶貨盡沒於察罕徐達進攻安慶與
張德勝自無爲陸行夜掩浮山寨走曾應
將胡德管追賡之青山遂北至簪山陳友
諒將郭泰遣戰沙河德勝破斬之九月克
簪山建夏鎮池州常遇春移兵圍衢州
以奇兵突入南門甕城毀其戰具急攻之
麾下元總管觸佖赴水死改衢州路爲龍
游府命王愷總制軍民事愷增城繕葺置
辦軍籍丁壯得萬餘人遇春部將獲民
愷械而捷之市遇春讓愷愷曰民者國之
本提一部將而民安將軍所樂聞也遇春
乃謝愷時疫掃伍遇春置粟修廬濟局
全殄無算學校毀興孔子家廟之在衢者
並新之設博士弟子員士倉然悅服開化
馬宣紅山楊明並爲亂先後討禽之未幾
遇春從徐達守池州趙魯勝守安慶數
引兵爭池州太平太祖患之囑魯勝客使
潛入友諒軍間魯勝督勝不之覺見友諒
使者輒詠功梓梓有德色友諒銜之疑其
貳於己以會師爲名自紅州奔至魯勝以
燒半迎於雁立甫登舟友諒即殺魯勝并
其軍張士誠兵聞之奔常州吳復敗之忠
節門吳良遣兵從閩道藏其援兵於無錫
士誠奪氣元帝遣使徵糧於張士誠賜
之龍衣御酒士誠自海道輸糧十一萬石

於大都歲以為常。冬十月遣博士夏煜授方國珍福建行省平章事。弟國瑛參知政事。國瑛福密分院僉事。國珍名獻三郡。實時持兩端。煜既至。乃詐稱老疾不任職。惟受平章印誥而已。俞廷玉卒於安慶軍中。歌再成。侵處州。石抹宜孫分遣元帥葉瑄。胡琛。參謀林彬。鎮撫陳仲真。拒戰。會胡大海兵至。與再成合。大破之。進抵城下。十一月。王賓宜孫戰敗。與瑄及章瑄走建寧。處州益下。瑄以龍泉。慶元。松陽。昌。四縣降。大猷素知瑄名。召見授左司員外郎。遣瑄處州。招集部曲從征。大海。處定。處州七邑再成。守之。改處州路為安南府。尋為處州府。陳友諒之據龍興也。徐壽輝欲從都之友諒。不可。既而友諒居紅州。壽輝自饒陽來從之。友諒伏兵郭外。迎壽輝入。即閉城。悉殺其所部。遂以紅州為都。奉壽輝以居。自稱漢王。置王府官屬。李善長等薦劉基。宋濂。葉瑄。章瑄。命處州總制孫炎。招之。

二十年春正月。改寧越府曰金華府。二月。元福建行省參政袁天祿。以福寧降。劉基不就徵。孫炎使再往。基遺表。寶劍。炎作詩。以為劍當上獻天子。斬不順命者。人臣不敢私封。還之。遺基書數千言。基始與宋濂等俱赴召。三月戊子朔。至應天。太祖迎勞之。曰。我為天下屈四先生。今天下紛紛何時定乎。章瑄對曰。天道無常。惟德是輔。惟不嗜殺人者能一之耳。基陳時務十八事。太祖大喜。寬禮甚。至太祖問陳安四人者何如。對曰。臣謀略不如基。學問不如人。治民之才不如盜。瑄多其能。讓

夏五月。陳友諒以輕兵襲池州。徐達與常遇春設伏。大破之。九華山下斬首萬人。生禽三千人。遇春曰。此勁旅也。不殺必為後患。達不可以狀聞。而遇春先以夜疏其人。過半。太祖不憚。悉縱遣餘衆。於是始命達。盡護諸將友諒。挾徐壽輝。東下。攻太平。元帥朱文遜知府許瑗。院判花雲。王鼎。結陳迎戰。文遜戰死。文遜亦太祖義子。史不傳其小字。友諒遂攻城。城堅。三日不得入。友諒乃以巨舟乘漲。薄城西南。士卒緣舟尾攀樓而登。閏月丙辰。城陷。縛雲。奮身大呼。縛盡裂。起奪守者刀。殺五六人。罵曰。賊非吾主敵。盡趣降。賊怒。碎其首。縛諸牆。戴射殺之。雲至死罵益厲。瑗。鼎亦抗罵死。方戰之急也。雲妻邵氏。祭家廟。挈三歲兒。位語家人曰。城破。吾夫必死。吾義不獨存。然不可使花氏無後。若等善撫之。雲被執。邵氏赴水死。侍兒孫氏。瘞之。抱兒行。被掠至紅州。孫夜投漁家。脫簪珥屬養之。已復竊兒走。遇潰軍奪舟。浮水渡江。陰年乃達。太祖所友諒。既克太平。志益驕。進駐采石。磯。遣部將陽白事壽輝。前戒壯士挾鐵搥擊碎其首。壽輝死。友諒以采石五通廟為行殿。僭稱皇帝。國號漢。改元大義。鄒魯勝以下皆仍故官。約張士誠。合攻應天。應天大震。諸將請先復太平。以牽之。太祖曰。不可。彼固上賊舟師十倍於我。猝難復也。或請自將迎擊之。太祖曰。不可。彼以偏師綴我。而全軍趨金陵。順流半日可達。吾步騎急難引還。百里趨戰。兵法所忌。非策也。或又議奔據鍾山。或請急降之。劉基獨張目不言。太祖召入內。基奮曰。主降及奔者。可

斬也。太祖曰。先生計將安出。基曰。賊驕矣。待其深入。伏兵邀取之。易耳。天道後聖計勝。取威制敵。以成王業。在此舉矣。乃定計。馳諭胡大海。攻信州。以牽其後。而令康茂才以書給友諒。令速來。李善長以為疑。太祖曰。二寇合。吾首尾受敵。惟得其來而先破之。則士誠膽落矣。友諒聞茂才為內應。果大驚。問康公安在。曰。守紅東木橋。使歸。太祖易橋以石。於是常遇春以五翼軍伏石灰山。徐達屯南門外。楊瑄屯大勝屯。張德勝等以舟師出龍江關。趙德勝守虎口城。太祖親督軍盧龍山。孝慈皇后盡發口中金帛。犒士。友諒至紅東。見橋愕然。呼茂才不應。為所給。乙丑戰於龍灣。諸將欲急擊之。太祖曰。天且用。趣食。乘用擊之。須臾果大雨。士卒競奮。用止。合戰。趙德勝力戰。殺傷相當。伏兵起。馮勝。華雲龍。躍馬大呼。擣其中堅。廖永安。張德勝。麾諸將奮擊。友諒軍披靡。遇春。達。茂才等夾攻。大破之。友諒乘輕舸走。張德勝追敗之。慈湖。焚其舟。俞通海。禽其七帥。遂北至采石。大戰。張德勝歿於陳王銘。突敵陳。敵續集刺鉞傷類。銘三出。入殺傷過當。馮勝合諸軍。登之。友諒復大敗。遂棄太平。走紅州。遇春等進復太平。乘勝取安慶。大海亦引兵克信州。以為廣信府。時信方絕糧。或勸大海還師。大海曰。北聞楚機。可棄之乎。築城浚隍。留守不去。先是軍糧少。所得郡縣皆糧。糧於民。民甚以為苦。大海言於太祖。已之。丁卯。置儒學提舉司。以宋濂為提舉。六月。更築太平城。石抹宜孫自建寧收集士卒。欲復處州。壬子。攻慶元。為取

再成所敗。還走牛道。遇鄉兵。被殺。都將李
玄文。韓之龍。泉太祖嘉其忠。遣使致祭。復
其舊州生祠。時徐壽輝將歐陽祥守袁
州。黃輦之曰。公與友諒。比肩奈何。下之
友諒。輦志非紅東敵也。保境候東師。當不
失富貴。秋九月。祥以袁州降。友諒遣其
弟友仁攻之。彬與祥敗。其衆擁友仁。友
諒懼。約分界不相犯。乃釋友仁。時紅楚諸
郡皆為陳氏有。袁扼其要害。潭岳韓兵不
得出。友諒勢大。太祖兵臨之。遂棄紅州。
彬力也。壽輝守將于光亦來降。明玉
珍聞友諒欲壽輝自立。日與友諒俱。臣徐
氏。顧祥逆如此。命以兵塞壘。絕不與通。
立壽輝廟於城南。隔歲時致祀。方國珍
歲歲為元。贈張士誠。粟元果進國珍。行省
左丞相。衛國公。國珍受之如故。太祖察其
情。冬十二月。復遣夏煜以書諭曰。吾始以
汝豪傑。時務故命。汝專制一方。汝顧中
懷巨細。欲觀我虛實。則遣侍子。欲卻我官
爵。則稱老病。夫智者轉敗為功。賢者因禍
成福。汝審圖之。國珍得書不省。以葉瑛
軍監為營田司。僉事二十一年春正月。癸
丑。朔。中書省設御座。遙拜韓林兒。劉基曰。
枚暨耳。奉之何為。因見太祖陳天命所在。
太祖問征取計。基曰。士誠自守。虜不足慮。
友諒劫主脅下。名號不正。地據上流。其心
無日忘我。宜先圖之。陳氏誠張氏勢孤。一
舉可定。然後北向中原。王業可成也。太祖
大悅。先生有至計。勿惜盡言。李善長
請權兩淮鹽。立茶法。制錢法。開鐵冶。定魚
稅。以松園用。二月甲申。立鹽茶課設官。令
商人販鹽。二十取一。又令於產茶地買茶。

納錢請引。私茶與私鹽同罪。已亥。置寶
局於應天。鑄大中通寶錢。與歷代錢兼行。
以四百文為一貫。四十文為一兩。四文為
一錢。三月丁丑。改樞密院為大都督府。
以兄子文正為大都督。節制中外諸軍。應
天城內外。置大小二場。分教士卒。以郭景
祥。宋思顏為參軍。趙均用之。據徐州也。
以薛顯為元帥。守泗州。均用死。顯以泗州
來降。太祖復以書諭方國珍曰。福基於
至誠。稱生於反覆。隗囂。公孫述。皆難可鑒。
大軍一出。不可虛詞解也。國珍許。窮戊寅。
遣使來。陽為惶懼謝罪。以金寶飾鞍馬。獻
太祖曰。今有事四方。所需者人材所用者
粟帛。寶玩非所好也。夏四月。改寧國府
曰宣城府。元完者都。自果州會平章。明
革歹參政。趙資謀復重慶。屯嘉定之大佛
寺。明玉珍遣明二攻之。半年不下。玉珍乃
親帥衆圍之。遣二以輕兵襲陷成都。五月
癸丑。嘉定陷。執資及完者都。明革歹歸重
慶。館諸治平寺。欲使為己用。三人者執不
可。乃斬於市。妻子皆死。蜀人謂之三忠。於
是諸郡相次附於玉珍。明二尋復姓名曰
萬勝。秋七月甲子。范常為太平知府。諭
之曰。太平吾股肱郡。其民數困於兵。當令
得所。常以簡易為治。與學師民。官廩有穀
數十石。請給民乏糧者。秋。徐轡官。公私皆
足居三年。民親愛之。郭景祥性諒直。遇
事敢言。宋思顏亦隨事納忠。太祖嘗視事
東閣。天暑汗沾衣。左右更以衣進。皆數經
院覆者。思顏曰。主公躬行節儉。真可示法
子孫。願始終如一。太祖嘉其直。賜之幣。他
日又進曰。句容虎為害。既捕獲。宜除之。今

參贊民間。何益。太祖欣然。即命殺虎。陳
友諒將張定邊。陷安慶。守將趙仲中。棄城
走。還龍紅。法當誅。常遇春請原之。太祖不
許。曰。法不行。無以懲後。遂誅仲中。而以其
弟庸為行樞密院僉事。時胡德濟守廣
信府。友諒將李明道來寇。德濟與其宣慰
海。自金華來援。夾擊之。禽明道。及其宣慰
王漢二。元察守帖木兒。既取汴梁。遣
子擴廓帖木兒討東平。魯降。田豐。王士誠
乘勝定山東。軍聲大振。八月。太祖遣使通
好。太祖自將舟師征陳友諒。至安慶。敵
固守。唐勝宗為陸兵疑之。廖永忠。張志雄
出不意。破其水寨。仇成以陸兵乘之。戊戌
克安慶。以為寧江府。仇成為橫海指揮。獨
知守其地。趙德勝。乘風所小孤山。距九江
五里。友諒始知倉皇遁去。小孤山守將丁
贊郎。傳友諒。即降。壬寅。太祖次湖口。追敗
友諒於紅州。胡大海八戰皆大捷。遂入江
州。以為九江府。友諒奔壽昌。徐達追之。友
諒出戰。經河陽。達營饒陽。沌口。以遏之。分
徇南康。建昌。饒。斬黃廣濟。友諒守將吳宏
王煥等皆下。改南康為西寧府。饒州曰鄱
陽府。又改池州曰九華府。尋與饒州皆復
故名。以陶安知黃州。鄭愈守饒州。傳守建
昌。初。羅復仁為陳友諒。編修。知其無成。
遁去。太祖取九江。復仁來謁。置左右。
張士誠遣司徒李伯昇。帥水陸兵十萬。攻
長安州。城中兵僅七千人。副元帥劉成。引
數十騎出西門。擊敗伯昇。兵禽其將宋元
帥。轉至東門。伯昇悉兵圍之。成戰死。太祖
聞長安被攻。命陳德。華高。費聚。往援。伯昇
夜劫營。諸將皆潰。取柘文。嬰城固守。攻甚

急隨友繫之不解甲者月餘常偶春復帥兵來搜殺吳兵五千餘人伯昇乃解圍遁冬十一月陳友諒據州守將鄧克明為吳人所攻遣使僞降以緩師鄧克明知其情自州卷甲夜馳二百里已至且入其城克明出不意單騎走愈號令明肅秋毫不犯遂定撫州克明不得已降十二月改淮海府曰維揚府陳友諒江西行省丞相胡廷瑞遣使請降且請無散部曲太祖有難色劉基從後謂胡太祖悟許之以書報曰鄭仁傑至言足下有効順之誠此足下明達也又恐分散所部此足下遺慮也吾起兵十年奇才英士得之四方多矣有能審天時料事機不待交兵挺然委身來者嘗推赤心以待隨其才任使之兵少則益之以兵位卑則隨之以爵財乏則厚之以賞安肯散其部伍使人自危疑負來歸之心哉且以陳氏諸將觀之如趙普勝驍勇善戰以疑見謬猜忌若此竟何所成近建康龍鵬之役予所獲張志雄梁欽諸人用之如故視吾諸將恩均義一志雄破安慶水寨欽等攻江北並膺厚賞此數人者其自視無復生理向待之如此況如足下不勞一卒以完城來歸者耶得失之機間不容髮足下宜早為計

中書行省又改建昌路曰肇慶府撫州路曰臨川府尋皆復故名廷瑞改名美鄧克明臨川張中數舉召至命坐問曰予下豫軍兵不血刃此邦之人其少息乎對曰未也且夕此地當流血盧舍焚燬且盡鐵柱觀亦僅存一殿耳二月還應天遷江西行省於供都府鄧克明為參政葉琛為供都知府鎮守之胡琛以親軍指揮守吉安初建德既下苗將蔣英劉震李福自桐廬歸於胡大海大海喜其驍勇留置麾下至是大海守金華三人者謀作亂辛未晨入分省署請大海觀弩於八詠樓大海出英遣其黨跪馬前詐訴英過大海未及答反顧英出袖中推弩大指大海中腰欲生殺之又殺其子關柱德郎中王愷欲生之愷正色曰吾守土義當死寧從賊耶又殺之亦殺其子李文忠聞變遣將來擊英等大掠城中持大海首奔方國珍國珍不受使國璋擊之兵敗被殺英等遂奔張士誠文忠親往撫其眾金華遂定大海善用兵軍行不殺人不掠婦女不焚糧廬舍又好士所至訪求豪傑薦之及死聞者無不流涕大海竟無後虞州苗帥耿再成方對客飯聞變上馬收戰卒不滿二十人迎罵曰賊奴國家何負汝乃反賊橫樂刺之再成揮劍連斷數樂中傷墮馬大罵不絕口死亂軍執都事孫炎知府王道同幽之元帥朱文剛聚兵殺賊不及亦被執皆不屈賊帥賀仁德以樽雁斗酒啖炎炎且飲且罵賊怒拔刀叱解衣炎曰此紫綺裘主上所賜吾當服以死遂與道綱文剛皆見

害金處苗軍繼反浙東搖動劉基以母喪還喪至龍巖府為守將夏竦諭安諸屬邑李文忠遣將屯留雲以圖慶州改建德為嚴州府李文忠為浙東行省左丞總制嚴衢信處諸全軍事張士誠聞浙東亂遣其弟士信帥兵十萬寇諸全知州樂鳳與院判謝再興力守數出奇兵挫敵胡美之降也同僉康泰平章祝宗不欲美微言於太祖太祖命將其兵從徐達征武昌泰宗遂反三月癸亥舟次女兒港趨還乘夜破新城門而入鄧愈倉卒聞變以數十騎走數與賊遇從騎死且盡窘甚連易三馬馬輒蹕最後得養子馬乘之始得奪撫州門以出奔還應天知府葉琛被執不勝大罵與都事萬思誠皆死愈至應天太祖弗之罪謝再興告急於李文忠文忠遣同僉胡德濟自信州往救乘懈得入城與再興樂鳳分門守再興復請益兵文忠兵少無以應會太祖使邵榮討處州亂卒文忠乃揚言徐右丞邵平章將大軍刻日進士信兵聞之懼謀夜遁德濟與再興率死士夜半開門擊大破走之諸全得完夏四月己卯邵榮胡琛復處州叛軍皆伏誅以深為行省左右司郎中總制處州軍民事深葬耿再成後改葬應天餘寶山時山寇竊發人情未固深募兵萬餘人捕賊樂帥沿海軍素驍誅其尤橫者數人患乃息徐達以純口軍還討供都叛將甲午復其城祝宗走死耿康泰歸於應天太祖以泰為胡美甥赦弗誅復以寧紅府為安慶府西寧府為南康府長安州為長興州太祖以供都重鎮歸翰西南

非骨肉重臣莫能守。五月丙午。命兄子文正統元帥。趙得勝。鄧愈等鎮其地。開大都督府。儒士郭奎。劉仲服為參謀。文正增城。招集山寨未附者。號令明肅。肅近震。鎮。明王珍。自稱隨蜀王。以劉楨為參謀。六月戊寅。元察罕帖木兒。以書來報。留我使人不遣。寧海人葉兒。獻書太祖曰。愚聞取天下者。必有一定之規模。韓信。孔明是也。今之規模。宜北。則李察罕。南。則張九四。據溫台。取閩。越。定都建康。拓地。紅。廣。進。則越。兩淮。以北。征。退。則重。長。紅。而自守。夫金陵。古稱龍蟠虎踞。帝王之都。藉其兵力。資財。以攻。則克。以守。則固。百察罕。能如吾何哉。紅之所備。莫急上流。今義師已克紅州。足蔽全吳。況自滁。和。至廣。陵。皆吾所有。匪直守紅。兼可守淮矣。張氏傾覆。可坐而待。淮東諸郡。亦將不歸。北。略。中原。李氏可併也。今聞察罕。妄自尊大。致書明公。如曹操之招孫權。輔以元運。將終人心不屬。而察罕。欲效孫權所為。事勢不侔。宜如魯肅計。鼎足紅。東。以觀天下之變。此其大綱也。至其目有三。張九四之地。南。包。紅。北。跨。獨。泰。而以平紅。為巢穴。今欲攻之。莫若聲言。掩取。杭。紹。湖。秀。而大兵直搗平紅。城固難以驟拔。則以鎖城法。困之於城外。矢石不到之地。別築長圍。分命將卒。四面立營。屯田固守。斷其出入之路。分兵略定屬邑。收其稅糧。以贍軍中。彼坐守空城。安得不困。俾紅。既下。巢穴已傾。杭。越。必歸。餘郡解體。此上計也。張氏重鎮。在紹興。紹興與隔紅。海。所以數攻而不克者。以彼糧道在一軍紅。斗。則也。若一軍攻平紅。斷其糧道。一軍

攻杭州。絕其援兵。紹興必拔。拔。攻。在紹興。所取在紹興。所謂多方以誤之者也。紹興既拔。杭。城。勢孤。湖。秀。風靡。然後進攻。平紅。勢其腹心。紅。北。餘孽。隨而瓦解。此大計也。方國珍。狼子野心。不可馴狎。往年大兵取婺州。彼即率眾。結。後。夏。煙。陳。顯。道。紹。說。彼復疑。不從。願遣使。從。海道。報。元。謂紅。東。委之。納。款。誘。令。張。泉。肅。而。來。且。遣韓。叔。義。為。說。客。欲。說。明。公。率。眾。既。降。我。而反。欲。招。我。降。元。其。反。覆。狡。繪。如。是。宜。與。海。中。原。步。騎。無。如。之。何。夫。上。兵。攻。心。彼。言。杭。越。一。平。即。當。納。土。不。過。欲。款。我。師。耳。攻。之。之。術。宜。限。以。日。期。實。其。歸。順。彼。自。方。國。珍。之。歿。自。知。兵。不。可。用。又。叔。義。還。稱。義。師。之。盛。氣。已。先。挫。今。因。陳。顯。道。以。自。固。正。可脅。之。而。從。也。事。宜。速。不。宜。緩。宜。諭。之。後。更。置。官。吏。拘。集。舟。艦。肅。收。其。兵。糧。以。消。未。然。之。變。三。郡。可。不。勞。而。定。福。建。平。浙。紅。一。道。兵。船。城。隨。兩。浙。既。平。必。圖。歸。附。下。之。一。排。自。海。道。入。福。州。必。不。支。福。州。下。旁。郡。連。兵。解。安。威。聲。已。震。然後。進。取。兩。廣。猶。反。掌。也。太祖。奇。其。言。欲。留。用。之。力。辭。去。賜。銀。幣。襲。衣。後。數。載。削。平。天下。規模。次第。略。如。兄。言。元。察。罕。帖。木。兒。總。大。軍。圍。益。都。戊。子。田。豐。王。士。誠。乘。間。刺。殺。之。入。益。都。與。陳。孫。頭。合。元。帝。即。軍。中。拜。擴。廓。帖。木。兒。太。尉。中。書。平。章。政。事。知。樞。密。院。事。如。察。罕。官。領。其。軍。擴。廓。太。王。姓。小。字。保。保。察。罕。甥。養。為。子。張。中。又。言。國。中。大。臣。有。變。宜。預。防。初。太祖。所。任。將。帥。最。著。者。平。章。郭。榮。與。徐。達。常。遇

春。為。三。而。榮。尤。宿。將。善。戰。屢。勦。塞。有。異。志。與。參。政。趙。繼。祖。謀。伏。兵。為。變。秋。七。月。丙。辰。事。覺。太祖。欲。召。榮。死。遇。春。直。前。曰。人。臣。以。反。名。何。而。可。宥。臣。義。不。與。俱。生。太祖。乃。飲。榮。酒。流。涕。而。戰。之。繼。祖。亦。伏。誅。八。月。改。永定。縣。復。曰。武。進。縣。九。月。癸。卯。朔。劉。福。通。自。安。豐。引。兵。援。益。都。遇。元。師。於。火。星。埠。大。敗。走。還。冬。十。一。月。乙。巳。元。兵。穴。地。道。入。益。都。執。田。豐。王。士。誠。剖。其。心。以。祭。察。罕。帖。木。兒。縛。陳。孫。頭。等。二十。餘。人。獻。闕。下。韓。林。兒。勢。大。窘。池。州。帥。羅。友。賢。據。寶。山。寨。通。張。士。誠。常。遇。春。趙。德。勝。破。斬。之。十二。月。元。戶。部。尚。書。張。泉。郎。中。馬。合。謀。航。梅。自。慶。元。至。應。天。授。太。祖。江。西。行。省。平。章。政。事。擴。廓。帖。木。兒。致。書。歸。使。者。太。祖。聞。察。罕。被。刺。遂。不。受。官。殺。馬。合。謀。以。張。泉。才。留。官。之。劉。楨。說。明。王。珍。曰。西。蜀。形。勝。地。大。王。據。而有。之。休。養。傷。殘。用。費。給。兵。可以。立。不。世。業。不。於。此。時。稱。大。號。以。係。人。心。一。旦。將。士。思。鄉。土。瓦。解。星。散。大。王。孰。與。建。國。乎。王。珍。審。之。乃。諭。於。衆。二十。三。年。春。正。月。王。賓。朔。僭。稱。皇。帝。國。號。夏。建。元。天。統。立。妻。彭。氏。為。皇后。子。昇。為。太子。做。周。制。設。六。卿。以。劉。楨。為。宗。伯。分。蜀。地。為。八。道。更。置。府。州。縣。蜀。兵。棍。諸。國。為。弱。勝。兵。不。滿。萬。人。王。珍。素。無。遠。略。然。性。節。儉。頗。好。學。折。節。下。士。既。稱。帝。設。國。子。監。教。公。卿。子弟。設。提。舉。司。教授。建。社。稷。宗。廟。求。雅。樂。開。進。士。科。定。賦。稅。以。十。分。取。一。蜀。人。悉。便。安。之。皆。劉。楨。為。之。謀。也。命。任。衡。錢。楨。至。何。南。報。擴。廓。書。為。所。留。太。祖。前後。凡。七。致。擴。廓。書。終。不。報。初。太祖。立。民。兵。萬。戶。府。